

Mich. Henr. GRIBNER. 10) et *Io. Petr. de LVDEWIG.* 11) Feuda quoque prouincialia in quibusdam regionibus vltiorem admittunt diuisionem in immediata et mediata. 12) At in specialibus eiusmodi prouinciarum institutis morari nostrum non fert propositum.

[p. 113.]

CAPVT IV.

DE

FEVDIS IMPROPRIIS.

DISTINCTIO I.

Inter feudum femininum per se, ex pacto et lege tale.

Rubrica A.
explicat et

F feudum femininum per se tale Doctoribus dicitur, quod a femina primitus est acquisitum, et respectu descendendum maternum dici solet; ex pacto tale illis, est quod a masculo quidem acquisitum, sed adiecto pacto, ut feminae pariter ac masculi in eo sint successionis capaces. Prius in iure feudali Longobardico feudi feminini nomine tantum insignitur, non vero posterius 1) Vnde est, quod interpretum nonnulli, quibus sine lege loqui religio fuit, huic feudi feminini

10) in *Diss. de subfeudorum imperii, quae olim immediata fuerunt, praerogatiua.* MOEL.

11) in *Diss. de primo foro subfeudorum imperialium.* MOEL.

12) Sic in Saxonia sunt vel *schriftsassa* vel *Amtsassa*, de quibus, si cuius plura de his nosse interest, legi potest *Io. SCHILTERI Commentatio de Landsassis, Amtsassis et Schriftsassis* quae inserta est *Prax. iur. Rom. post Exerc. 13.* MOEL.

1) *I. Feud. 15. II. Feud. 11. II. Feud. 26. §. 9. II. Feud. 30. II. Feud. 50. 103. 104.* MOEL.